

## სახელმწიფო შესყიდვის შესახებ ხელშეკრულება N175-2014

ქ. თბილისი

“22” აგვისტო 2014 წ.

ერთის მხრივ სსიპ – სურსათის ეროვნული სააგენტო (შემდგომში “შემსყიდველი”) წარმოდგენილი მისი უფროსის მოვალეობის შემსრულებლის მიხეილ სოხაძის სახით და მეორეს მხრივ, შპს „აქრსტული“ (შემდგომში “მიწოდებელი”) წარმოდგენილი მისი დირექტორის ზაზა ნაზლაძის სახით “სახელმწიფო შესყიდვის შესახებ” საქართველოს კანონის, N1303 ელექტრონული კონკურსის საკონკურსო განცხადებისა და გამარჯვებული კონკურსანტის (შპს „აქრსტული“) საკონკურსო წინადადების საფუძველზე, ვდებთ წინადადებარე ხელშეკრულებას სახელმწიფო შესყიდვის შესახებ

### 1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – „სახელმწიფო შესყიდვის შესახებ“ საქართველოს კანონისა და სახელმწიფო შესყიდვის სააგენტოს თავჯდომარის 2011 წლის 10 თებერვლის N3 ბრძანებით დამტკიცებული „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის“ მოთხოვნათა საფუძველზე, შემსყიდველ ორგანიზაციასა და მიწოდებელს შორის დადებული, მხარეთა მიერ ხელმოწერილი ხელშეკრულება, მასში მინიშნებული ყველა თანდართული დოკუმენტით.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “მომსახურება” - ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “არაჯეროვანი შესრულება” - ხელშეკრულების მიზნებიდან გამომდინარე მიწოდებლის მხრიდან შემსყიდველისათვის ისეთი სახის მომსახურების მიწოდება, რომელიც შეესაბამება ხელშეკრულების მე-2 მუხლით გათვალისწინებულ საგანს, თუმცა ზოლომდე არ აკმაყოფილებს აღნიშნული ხელშეკრულების ყველა პირობას.
- 1.6. “ტექნიკური დავალება” - საკონკურსო განცხადების ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

### 2. ხელშეკრულების საგანი

- 2.1. ხელშეკრულების საგანს წარმოადგენს სსიპ სურსათის ეროვნული სააგენტოს მიერ საპროექტო სამუშაოების (CPV45223200) შესყიდვა.
- 2.2. შესყიდვის ობიექტი კონკრეტულად გულისხმობს - სსიპ სურსათის ეროვნული სააგენტოს კუთვნილი, 8 რეგიონალური ოფისის მიმდებარე ეზოების კეთილმოწყობის სამუშაოების წარმოებისათვის საჭირო პროექტების მომზადებას.
- 2.3. კეთილმოსაწყობი მიწის ნაკვეთების ზუსტი მდებარეობები მოცემულია N1303 ელექტრონული კონკურსის საკონკურსო განცხადების მე-2 პუნქტში

### 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 8850 (რვაათასრვაასორმოცდაათი) ლარს დღგს ჩათვლით.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიწოდებლის ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადებს.
- 3.3. ხელშეკრულება ფინანსდება 2014 წლის სახელმწიფო ბიუჯეტის სახსრებით.

### 4. მომსახურების გაწევის ვადები და ადგილი

- 4.1. „მიწოდებელმა“, N1303 ელექტრონული კონკურსის საკონკურსო განცხადების 21-ე პუნქტისა და ამავე კონკურსის ტექნიკური დავალების შედსაბამისად მომზადებული საპროექტო-სახარჯთაღრიცხვო დოკუმენტაცია, სრულყოფილი და დასრულებული სახით უნდა წარმოუდგინოს „შემსყიდველს“ ხელშეკრულების გაფორმებიდან 12 კალენდარული დღის განმავლობაში.
- 4.2. შემსყიდვის ობიექტი მოწოდებული უნდა იქნეს შემდეგ მისამართზე - ქ. თბილისი, მარშალ გელოვანის N6, სსიპ სურსათის ეროვნული სააგენტოს ადმინისტრაციული შენობა.

### 5. მიღება-ჩაბარების წესი

- 5.1. შესყიდვის ობიექტი ჩაითვლება მიღებულად (მიწოდებულად) მხოლოდ შესაბამისი მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელს აწერენ მის მიერ შექმნილი კონტროლის განმახორციელებელი ჯგუფის წევრები.

#### **6. ანგარიშსწორების პირობები**

- 6.1. "მიმწოდებელთან" ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ.
- 6.2. ანგარიშსწორების ფორმა იქნება – უნაღდო.
- 6.3. ანგარიშსწორება მოხდება 15 დღის განმავლობაში, მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან
- 6.4. მიმწოდებლისათვის ასანაზღაურებელი თანხა ჩაირიცხება წინამდებარ ხელშეკრულებაში დაფიქსირებულ „მიმწოდებლის“ საბანკო ანგარიშზე

#### **7. მხარეთა უფლება-მოვალეობები**

- 7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;
- 7.2. „მიმწოდებლის“ მიერ, ხელშეკრულების პირობებით განსაზღვრული ვალდებულებების შეუსრულებლობის შემთხვევაში, „შემსყიდველი“ უფლებამოსილია თვითონ მიიღოს ზომები ხელშეკრულების პირობების შეუსრულებლობით გამოწვეული დეფექტებისა და ხარვეზების გამოსასწორებლად და მოსთხოვოს მომწოდებელს შესაბამისი ხარჯების ანაზღაურება;
- 7.3. შემსყიდველი ვალდებულია გადაიხადოს გაწეულის მომსახურების ღირებულება ხელშეკრულების პირობებისა და ვადის გათვალისწინებით;
- 7.4. მიმწოდებელი უფლებამოსილია მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;

#### **7.5. მიმწოდებელი ვალდებულია:**

- 7.5.1. საკონკურსო განცხადების, წინამდებარე ხელშეკრულებისა და საკონკურსო წინადადებით დადგენილი პირობების შესაბამისად განახორციელოს მომსახურების მიწოდება;
- 7.5.2. თუ შესყიდვის ობიექტის სათანადო წესით ჩაბარების შემდეგ, შემსყიდველის მიერ წარმოდგენილი პროექტის საფუძველზე მიმდინარე კეთილმოწყობის სამუშაოების წარმოების პროცესში გამოვლინდება პროექტირებისას გაუთვალისწინებელი პირობებით გამოწვეული, ან პროექტის სხვა სახის ხარვეზი, საკუთარის სახსრებით გამოასწოროს ყველა ნაკლოვანება და ხარვეზი.
- 7.5.3. განახორციელოს საავტორო ზედამხედველობა.

#### **8. ხელშეკრულების შესრულების კონტროლი**

- 8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ);
- 8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციას მისაწოდებელი ან/და მიწოდებელი საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;
- 8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.
- 8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.
- 8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

#### **9. გარანტია**



„მიწოდებელი“ იძლევა გარანტიას, რომ მის მიერ, N1303 კონკურის საკონკურსო განცხადებისა და ტექნიკური დავალების შესაბამისად მოწოდებული მომსახურება იქნება ხარისხიანი და მომსახურების ამ სფეროში მოქმედი სტანდარტების შესაბამისი.

#### 10. პირგასამტებლო ხელშეკრულების პირობების შეუსრულებლობისაგან

10.1. ხელშეკრულების 4.1. პუნქტით გათვალისწინებული პირობის დარღვევის შემთხვევაში, „შემსყიდველს“ უფლება აქვს „მიწოდებელს“ დააკისროს პირგასამტებლო ხელშეკრულების ჯამური ღირებულების 0.1 % ოდენობით, ყოველ გადაგადაცილებულ დღეზე;

10.2. „მიწოდებლის“ მხრიდან ხელშეკრულების არაჯეროვნად შესრულების შემთხვევაში, „შემსყიდველს“ უფლება აქვს დააკისროს „მიწოდებელს“ პირგასამტებლო ხელშეკრულების ჯამური ღირებულების 1% ოდენობით ყოველ კონკრეტულ შემთხვევაზე;

10.3. თუ ხელშეკრულების 10.1. და 10.2 პუნქტებით გათვალისწინებული პირგასამტებლობის თანხა გადააქარბებს ხელშეკრულების ჯამური ღირებულების 10 %, „შემსყიდველ“ უფლება აქვს ცალმხრივად შეწყვიტოს აღნიშნული ხელშეკრულება.

10.4. პირგასამტებლობის გადახდა არ ათავისუფლებს მიწოდებელს ძირითადი ვალდებულებების შესრულებისაგან.

10.5. ხელშეკრულების 6.3. პუნქტით გათვალისწინებული ანგარიშგების ვადების დარღვევის შემთხვევაში, „მიწოდებელს“ უფლება აქვს დააკისროს „შესყიდველს“ პირგასამტებლო ხელშეკრულების ღირებულების 0,1%-ის ოდენობით ყოველ გადაგადაცილებულ დღეზე

#### 11. ხელშეკრულებაში ცვლილებების შეტანა

11.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

#### 12. ხელშეკრულების შეწყვეტა

12.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3. თუ შემსყიდველისათვის ცნობილი გახდა, რომ მიწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

12.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

**13. დაუძლეველი ძალა**

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

13.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

**14. ხელშეკრულების მოქმედების ვადა**

ხელშეკრულება მოქმედებს მისი ხელმოწერის მომენტიდან 2014 წლის 31 ოქტომბრის ჩათვლით.

**15. სხვა პირობები**


15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან, და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. N 1303 კონკურსის საკონკურსო განცხადება , გამარჯვებული კონკურსანტის მიერ წარმოდგენილი საკონკურსო წინადადება და დანართები წარმოადგენენ ხელშეკრულების განუყოფელ ნაწილს.

შემსყიდველი

მიმწოდებელი

სსიპ – სურსათის ეროვნული სააგენტო	შ.პ.ს. „არქსტუდიო“
<p>ს.კ. – 205142200  თბილისი, მარშალ გელოვანის 16  მომსახურე ბანკი: სახელმწიფო ხაზინა  ბანკის კოდი: 220101222  ა/ა. – 200122900  ტელ: +995 32 2 91-91-67 (130)</p>	<p>ს.კ. – 436 031 991  მისამართი:  იურიდიული - მცხეთა, აღმაშენებლის ქუჩა №24ბ  ფაქტიური: ქ. თბილისი, აღმასიანის ქუჩა N23  მომსახურე ბანკი: ს.ს. „საქართველოს ბანკი“  ბ.კ. -BAGAGE  ა.ს. – GE04BG 00 00 000 34 077 5900599  ტელ: 995 50 00 43</p>
<p>სააგენტოს უფროსის მოვალეობის შემსრულებელი  მიხეილ სოხაძე</p> 	<p>დირექტორი  ზაზა ნაზლაძე</p> 